

汪辟疆先生家書

章 斗 航

汪辟疆先生家書

汪師辟疆先生，抗戰期間，留有寄次子曾右家書共十四通，都二十四葉，時先生隨中央大學居重慶之沙坪壩，曾右則肄業於成都中央軍校。書中多絮語家常，然亦動關學問，如第二通有云：「……………知汝有遷新都之說，今接汝來函，知早已移桂湖矣，爲之大慰。桂湖爲明學人楊升庵（名慎）之故居，其地有林泉桂樹之勝；余幼時讀升庵集，爲之神往，今汝乃得先至其地，當知古來名賢只要有事功學問，千載後猶令人景仰也。升庵於明嘉靖間上疏議大禮後，又偕廷臣二百餘人，伏宮門力諫，爲世宗震怒，乃謫貶雲南永昌，至年七十始返蜀。在滇數十年，專意著作，有集百餘卷，而撰輯之書尙不在焉。其人博極羣書，有明一代，自王弼洲（名世貞）外，幾無人可與匹敵也。汝既至此地，謁升庵先生祠，不可不知其概略也。……………」

以見先生無在非學問，其於領袖國家忠愛

之至，不時溢於楮墨間，尤覺如杜子美之每飯不忘。書法亦復古樸華茂兼而有之，名賢手澤，珍若珞琳，曾右欣然假中外雜誌影印，吾人玩諷之餘，應歛心於歧羨景仰之殷。

先生諱國垣，字辟疆，號方湖主人，江西彭澤縣人，即陶靖節故里，亦即靖節不欲爲五斗米折腰之鄉。先生資稟穎異，三歲時，太夫人哀教識字；四歲，授四子書，上口輒成誦，六歲，讀羅貫中三國志演義，覺佳趣無窮，未幾讀畢，思復得佳趣如羅書者，見架上有陳壽三國志，試讀不甚了了，但終亦堅忍卒業，遂繼治史記、漢書、後漢書，至九歲，遂盡通十三經四史，後先生於學無所不窺，詩古文辭，無不造極，實於少小時，肇基於太夫人之教。大翁諱際虞，清末，知河南商城縣事，先生隨至任所，就讀開封客籍學堂，既卒業，北上，就讀京師大學堂，卒業後，歷北平女子師範大學，江西心遠大學，南京中央

大學等校教授，曾於中央大學兼中文系主任；歷官監察院監察委員，國民大會代表。著有目錄學、唐人小說、方湖類稿，其他雜文不計。子二人：長越右，中央大學中文系畢業，陷大陸，次曾右，中央軍校畢業，現任國防部少將主管，雖習武事，願文字暢美，以見先生流風之不替。女四，均適人。三十八年，南都淪陷，先生不及脫走，使仍健在，高齡應爲八十有七，傳聞下世已四五年。夫人丁，前卒。

先生常以「用手讀書」誨諸生，故藏書數萬卷，皆丹黃滿紙，眉批細字如牛毛，而又筆筭至勤，皆用手讀書之實踐也。又動以識途爲訓，以爲「識途尤貴探本，得其本者，則足以俯視一切，高踞上流」，故及門之士，詩古文辭，類皆家法儼然；今台灣公私立大學中文系教師，親承先生風緒者，頗不乏人，如先生者，信乎無媿爲一代宗師者矣！

